

華嚴懸談會玄記卷第二十

野

蒼山再光寺比丘 普瑞 集

○疏又此四教由三觀起等者由依假空中
野十
淺深法門及其觀行優劣不同起言詮說亦
有差別乃爲四教○鈔然依中論三觀之偈

者出其所宗也止觀第一云智者師事南岳
南岳事慧文禪師文師用一心依釋論是龍
樹所說即以龍樹爲彼宗高祖師也是則智
者已前但傳觀而已依觀立教智者方周故
但云天台四教也○鈔三離合用之等者只

用初二句成初二教名離通用四句成後二
教名合若爾何以次文今合初二句成初二
教答對四句各別故此名合若對後通用四
句却名爲離言如云從假入空下牒疏此直
語因緣所生色心等爲假入析之無體方爲
即空或說色心等從緣故假無性故即入空
言義同下以此師所立之義同彼論文下皆
准知即離用也從空入假者下我說即是空
入亦爲是假名此空後明假深於空也即從
空出假權實施設故不同藏通二教直語因

緣所生爲假復從假入中此次第入故爲別一心俱入故名圓故云通用四句爲別圓二教也問中論此偈爲是何教中收答是圓教兼餘教義似此例者豈可定判鈔言從假入空析體異者下已上總明大意此下別消疏

文謂觀下總標云何下徵釋初析色中有二初總相分析一色蘊爲十一分故色蘊空又於下別相析法爲空謂觀一眼清淨色根能造四大所造四塵離八微外而無色根百法鈔云且能造中地大極微未來世中而有無

限各各別住若爲能造時便遷至現在七箇合爲一微而有方分作用俱起方名能造地大既爾餘三大亦然所造色香味觸皆爾如色塵極微未來世中亦有無限各各別住若合爲所造時便遷至現在七箇合集一處方野十

名所造色塵既爾餘三亦然每造一座時便有一具四大至如欲界一小色法有一百四十箇極微所成且如所造中有四塵每塵各有七極微成四七二十八又所造四塵每一塵中皆有一具四大每造一大中有七極微

成還有二十八四具四大足成一百一十二
兼前所造二十八箇極微足成一百四十箇
極微而言微者是極少義或有頌云極微微
金水兔羊牛際塵此爲八微今析故成空說
此觀行之言名爲藏教○鈔若云因緣所生

下謂此色根向若有體不應假緣方有既候
緣有故知性本自空何須分析方始空耶故
云即空問此中何以離用初之二句成藏通
二教不合用四句耶答藏教明因緣生法猶
是假有更深推究要析盡方得名空即成之

義尚且難成况空八假等耶是知藏教正唯
初句兼次句也復何能入三四句耶通教雖
體達即空亦無任運施設權宜化用之假雖
有中名終歸空理故弘決志云許有當教假
中二名未見別理唯成但空等○鈔三觀述

遷者次第觀察展轉造極言動寂無二者約
能觀心遠離空有者約所觀境所觀遠離空
故能觀心不沈寂所觀遠離有故能觀心不
動亂不寂故雖廓爾無相而應動無方不動
故雖嚴土利生而畢竟無相依次第觀察之

法門以言宣說故故云別教○鈔三觀一心
下以無念之一心寂照居懷三一互融而俱
存三一雙亡而無在一心通達既爾念念皆
然依圓融觀行法門以言顯示故名圓教止
觀云爲破二邊名中爲破次第三觀名三觀

一心實無中及一心定相○鈔餘師或云等
者劉公等慈恩慧觀等光統等如次配云皆
局定一經故爲所揀故彼師云下此約部帙
具教多少言三藏但者小乘經設說大乘之
義亦多分小乘義相故名爲但即阿含等經

五部等律俱舍等論但名小教故法華玄義
云三藏客作但是方便唯半不滿釋經中客
不得井堂喻如來隨機方便等言方等對下
對小而存愚法玄藏云方等彈呵則半滿相
對言般若帶下廣慧之小大品領教帶半論

滿半則通爲三乘滿則獨爲菩薩言華嚴兼
者以彼宗迷華嚴一分行布之義謂兼別說
圓也言法華無復下以正直捨方便但說無
上道故唯圓教玄義云法華富財廢半明滿
若無半字方便調熟鉢根則亦無滿也○鈔

淨名云下言是身無常等者決擇記約生老病死配之緣初起名生本無今有故無常也老奪盛色故無強也病爲疾苦所侵故無力也死來滅壞故無堅也此約簾事無常亦云一期無常言速朽之法不可信也者此約細

野十

四

相無常亦云剎那無常若悟此生滅無常得四沙門果故即藏教義也言不生不滅是無常者天台疏云若了諸法非生非滅橫計生滅故以四句檢生叵得即無有滅是則不生不滅即無常義餘義如前言富樓那章等者

非富樓那爲諸比丘說法時淨名責云唯先當入定觀此人心然後說法無以穢食喻如小法置於寶器喻如大根無以瑠璃喻小乘法也同彼水精喻大乘法乃至淨名入定令諸比丘自識宿命皆發大意等正別教也反顯大法小根不預故

言須菩提章下斷婬怒痴乃聲聞也與婬怒痴俱乃凡夫也大士了婬怒痴即是涅槃所以不斷不俱又即性故不斷即相故不俱是則斷之不斷不斷之斷方爲真斷也言不壞於身而隨一相者以聲聞人由滅諸見方同

無明故大士達身見空即是一相也又理不
礙事故不壞身事不礙理故隨一相言不減
痴愛等者聲聞以痴噦智要滅痴以方明以
愛繫心因除愛而方脫大士了達痴愛性空
即明脫也又明與無明性無二故不減痴而

野十

五

起於明了本無縛真解脫故不減愛而起於
脫又彼疏云不斷等二句了惑即性爲集諦
不壞等二句悟陰即理爲苦諦不減痴起於
明漏即無漏爲道諦不減愛起於脫縛本無
生今則無滅爲滅諦也是爲無作四真諦圓

教義也而抄言等者等取以五逆相而得解
脫亦不解脫不縛以真隨妄緣而即性故得
解脫亦滅諦也○鈔般若部中唯有三教下
問前云般若帶小說大既是帶小豈無歲教
耶答般若帶小說大小是通教之小非歲教
之小故無也有通教者三乘皆學般若故有
別教者雖廣說佛德二乘無分故有圓教者
有色即空等義故○鈔涅槃十仙果證羅漢
者彼經三十九及四十云闍提首那等十仙
外道聞佛說常樂我淨聚衆白阿闍世王王

領外道同見佛論議各各詞屈求法出家十
仙者一婆羅門闍提首那二梵志婆私吒三
梵志先尼四梵志姓迦葉氏五梵志富那六
漢果梵志淨名七犢子梵志八納木梵志上八皆證阿羅漢
果九弘廣婆羅門發菩提心十須跋陀羅亦證阿羅漢
羅漢果

彼疏云初二人邪見外道說涅槃法為無常故欠二人我見外道留那及淨名遙見外道犢子是發心外道說
疑道有無并疑得者納祇是自然外道說

一切法皆自然有亦邊見攝和廣及須跋戒取
外道和廣執取乞食為道須跋執取苦行為
道問既皆外道何以速能得道答止觀云若

福德法昇天甚易取道則難見是慧性沈淪
亦易悟道甚疾言具於四教者會解十仙一
發大心然從多分云皆證阿羅漢果即唯當
藏教餘畧不指寂照則十仙之中自具四教
謂淨名梵志求法佛說捨故不造新是人能

野十

六

知常與無常梵志云已知已解佛徵云何知
解答云故名無明與愛新名取有若人遠離
無明愛不作取有真實知常無常半月後得
羅漢果即藏教也須跋陀羅求法佛答一切
法皆是虛假隨其滅處是名實相乃至三乘觀

故得三乘菩提即通廣也和教婆羅門問法
佛答云八聖是真涅槃是常如一城無孔竅
唯有一門其守門者聰明有智善能分別可
放則放可遮則遮城喻涅槃門喻八正守門
喻佛婆羅門言如來善說微妙法義我今實
欲知城知道自作守門乃至此賢劫中當得
作佛此別教也犢子梵志問法佛答若人脩
習止觀得十地乃至首楞嚴三昧此云一切事竟楞嚴抄云此之三昧能觀三科七大無上菩提此等諸法皆如來藏故云爾也

圓教也○疏又更以四種化儀收之者上以

義類分判一代時教今又判一代時教有四
種化生儀軌法式此總判部帙漸說頻說等
言收之者以此四儀收前四教故頻儀收圓
別二教餘三儀各具收四教然智者於妙玄
初亦同南中諸師唯立頓漸不定三教後方
初亦同南中諸師唯立頓漸不定三教後方

開於不定復成秘密故有四義阿探玄云一
三藏教亦名小乘教二通教亦名漸教三別
教亦名頓教四圓教亦名秘密教其故何耶
答復是一理亦但傍義立名雖有六度菩薩
說在小乘故從藏入通名漸別望直入大乘

野十

七

名頻圓以聲聞如聾如育故名秘密無執一文爲定也○鈔二始從鹿苑終至鶴林三乘一乘並稱爲漸者此與四教儀異彼云漸教者即以阿含方等般若爲漸教不至法華說法華云開前頻漸會入非頻非漸等今鈔意

者天台頓漸二儀既用前劉公等義劉公所立漸義本如是故又况智者妙玄第十釋漸教相云如涅槃經十三云從佛出十二部經從十二部經出修多羅從修多羅出方等般若等出般若從般若出涅槃如此等意即是漸教相

也又始自人天二乘菩薩佛道亦是漸也即以五味皆名爲漸故至涅槃皆稱漸教不入則四化儀教收經不盡也○鈔然此二教下問此頓漸二教本是劉虬所立何故疏云同前岌公故此答也意云以南中諸師於頓漸

外加不定以爲三教已復於漸中開之初開有三對唐三藏等故云初開之謂有相無相常住即是岌公所立此開漸儀中所收藏教同彼有相通教同彼無相別圓同彼常住以常住教有圓融歷別二儀故劉虬所立頓教岌公亦許立

之若指劉公頓義可同漸中既分五時義乃多別故云漸頓如前岌公或可劉公唯頓漸二教岌公兼有不定今天台亦有不定故唯指同岌公頓漸也立不定教雖有多師然漸中開合岌公首有名字故指同也○鈔而與

野十

八

前不定不同者前約時前後大小不定此約隨說一法二根互聞不同即本質教不定大定小二根互知影像亦不定也互不相知者但影像教上有秘密之義也問若大小互之何有別教答聞小者但總相知彼人聞大何

能委知其法門縱許皆知自亦無分問大小互不知何有通教答聞大者一類通教法門不遮廣慧二乘亦修學故○鈔大師判教本意如是者以荆溪禪師已來但以法華爲非頓非漸故於今宗大師本意也後來宗徒失天台之本意也致使四儀不收盡一代時教也○鈔又詔圓教亦名爲頓者此約化法中國即頓以非漸次歷別爲頓即圓融之義名鈔故彼釋名云圓謂圓明乃至圓頓同前故名圓教若化儀中頓不得即圓唯是頓義也言

止觀云者證成圓即是頓以彼立三重止觀
一漸次二不定三圓頓釋第三云菩薩聞圓
法起圓信立圓行住圓位以圓功德而自莊
嚴以圓力用建立衆生等皆華嚴賢首品意
也言華嚴爲頓頓者上頓字化儀下頓字化

野牛

九

法圓即是頓義也法華名漸頓者漸字化儀
頓字化法亦圓即頓義也以是下釋成可知
然法華補注義師破此義云根本即是法華
一乘圓頓止觀清涼棄之別立華嚴名爲頓
頓形斥法華謂之漸頓遂立三重止觀之外

別立一種頓頓觀門乃棄於法華根本之實
而隨華嚴兼別之權抑實揚權何有利益以
天台判四時頓漸並是所生枝末之法清涼
不曉却立華嚴以爲頓頓豈非乃是隨於末
見耶又華嚴歷別及以圓融經文顯然妄謂

頓頓一槩圓融法華開顯微妙一乘謬言漸
頓劣於華嚴上全是彼破文會解評曰義師爲曾見
此中頓頓義故作此破者是不曉清涼之意
可謂大無識度也若曾不見此文而破者妄
生破斥無根之談是可笑也此中清涼出汝

天台大師之本意何曾自教中別立頓觀門頓觀門却是汝自宗立也若清涼自宗華嚴圓教具圓融行布同別二門十無盡汝宗三觀三諦之圓尚但唯得同之一門況欲與之齊耶今明頓觀是汝宗大師本意以

從華嚴開出漸教令漸入頓會漸還入頓教即法華也又判漸教五味皆漸涅槃在法華之後說正當第五味豈非法華亦漸耶若法華非漸屬何化儀所收若言化儀唯收枝末者則四儀有攝經不盡之失法華亦有無化儀失也當亡情體之疏義似小濫者約刊定意教義實有濫約下會通故云似也○鈔特達至教失者即法華云不得親近小乘三藏學者○鈔文有四節下一出三藏下通濫涉大乘失特達至教失二立三藏下稱通濫涉

汝後人不識汝大師本意以法華爲非頓非漸故特出大師本意爾何以妄救耶又汝若以華嚴爲末者玄義辨二經十異竟結云種智法界等無差別豈以華嚴法界爲末耶又智者既以華嚴爲頓教餘經爲漸教開頓說

野十

+

大乘失及不定失三明後三下通大無三藏
失四明不名下別通不名小乘難也已知總
意次別消文言濫涉之失不在於已者此但
假設出意若作此救亦未免過故前云正許
初失以難中故今推過不在已者以依二論

故若有難言下二師異說一云言隨自宗者
隨小乘自宗隨它宗者隨大乘它宗以大乘
傍呼彼小乘名二藏非共許名也一云自宗
即大乘自宗呵彼之語名爲小乘它宗即是
小乘隨它小乘宗中讚美之言故云三藏既

大乘隨小乘云三藏則非大小共立三藏各
也二釋之中前解似勝若依後義則不成難
大乘既隨小乘它宗名三藏小乘自論亦名
三藏豈成違耶今以大乘名三藏者是隨它
大乘中宗說豈小乘自宗亦名三藏耶故成
野十

難也思之故今卷意云若智論中三藏名是
隨大乘它宗名爾成實論是小乘云何亦言
我今欲說三藏中實義此三藏名豈是隨它
大乘宗耶由此義故濫涉之失亦不在已言
即由上義不違至教者即由上智論及成實

論皆但云三藏無小乘言故不違法華至教也或法華言小乘三藏亦但如智論隨自它宗立名非是以小乘言揀異大乘故不違至教也言以羅什等者問上說智論隨自它宗何干法華而會云不違至教耶故此答也或

可唯依智論隨它宗云三藏今欲成文故加小乘爾問爲欲成文何不加於三藏之義而特加小乘二字耶小乘之過下答也不訶所詮三藏但責狹小之心故加小乘二字爾○鈔亦猶五塵皆色等者五塵通具變礙義故

不知病起根源雖知乳藥復不善解或有風病冷病熱病一切諸病悉教服乳復有明醫曉八種術善療衆病知諸方藥從遠方來却爲王說種種醫方王聞敬信舊醫病駁驅令出國令衆斷乳以種種藥療治衆病皆得安

總稱色也而眼所緣者是可見有對由鹿顯故獨得總名餘者是不可見有對等不顯著故各受別稱○鈔即涅槃第二等者彼經云譬如國王闇鈍少智有一醫師性復頑嚚而王不別厚賜俸祿療治衆病純以乳藥亦復

樂等。鈔狗等戒者下鈔云十住毘婆沙云
多諸外道有持牛戒者鹿戒者狗戒者馬戒
者象戒者釋曰此皆外道所持惡戒通由二
因生此妄計一由天眼見有衆生從鷄狗等
即生天上故二由非理尋思妄生此計婆沙

野十

士

一百四十四有二外道一名布刺拏憍離迎
受持牛戒二名頗制羅棲你迦受持狗戒二
人異時往詣佛所種種愛語相慰問已時布
刺拏先爲它問此棲你迦受持狗戒修學已
滿當生何處世尊告曰汝止莫問復再三請

佛以慈悲告言諦聽受狗戒若無缺犯當生
狗中若有缺犯當墮地獄聞佛語已悲泣哽
噎不能自勝世尊告曰吾先告言止不須問
今果懷恨時布刺拏白言不以此人當生狗
趣故我悲泣然我長夜受持牛戒或恐亦當

爾耶唯願大悲爲我宣說世尊告曰應知此
等皆由不了真道婆沙又問云何受持狗戒
牛戒名無缺犯答一如狗法一如牛法名無
缺犯也○鈔十善道者不殺不盜不邪染不
妄語不绮語不惡口不兩舌不貪不嗔不邪

見鈔九十五種者薩婆多部律說外道六師各有十六種所學法一法自學餘十五種各教十五弟子師徒合有九十六外道一種順正故言九十五種也即九十五種外道所說鬼神之法皆從邪定而起或於定中知世凶

野十

主

吉現神變相也○鈔四無量者即慈悲喜捨此四定爲生色界因亦能發天眼天耳它心宿住神境五通也○鈔因身邊見下執五蘊身爲我我所是名身見執身常斷是名邊見由計我身既有斷常故起斷見撥無因果也

次正慧中見我身而有斷常必有因果相生故起世智說有因果也然上舊醫各有邪正三學者全乖正理名邪似鄰內教名正智論云十善戒佛不出世世常有之故名舊戒凡夫亦修八禪故名舊定等對今佛出故稱舊也○鈔即是新醫從遠方來者如上文彼疏云明醫喻佛能宣治法故說爲醫曉八術者一知病體喻佛知煩惱輕重二知病因喻知煩惱起因謂不正思惟及邪師教三知病相喻知煩惱相如瑜伽訖貪心即下慢心即上等

四知病處喻知煩惱起處謂順逆境等五知
病發時是如是病喻知煩惱起時少時老時
貧富寒熱饑飽時六知其藥體喻佛知不淨
觀等七知此藥治如是病喻知不淨治貪欲
等八知禁如是病忌如是食等喻知不淨觀

時不應取彼順情境等善療知方入種差別
如阿含中具說言從遠方來者真理難見喻
之爲遠應能隨感故名爲來○鈔五種戒戒
者一善來得謂佛命善來比丘時爾時得戒
即尊者耶含二見諦得謂五比丘一云此時

得二云見諦已後爲受從見諦爲名初解爲
勝受時未有僧故然唯初非後後已有僧故
三三歸得六十賢部共集受戒等部者類也
此六十人是尊者耶舍少小朋友聞尊者耶
舍歸佛出家遂亦出家聞三歸時即得具戒

野十

古

四八敬法即敬受八法謂大愛道尼此時未
有尼故唯此一人或及眷屬五百同得已後
不得以有尼故如前八敬五羯磨得此云辦事能
成辦一切比丘比丘尼僧事故即中國十僧
邊國五僧羯磨方得戒也言一切律儀者律

者法也儀者式也無作有作者舊譯也新云
有表無表依俱舍說一師云表色有變礙無
表隨彼亦受色名第二師云所依大種變礙
故無表業亦名烏色也涅槃云菩提王子意
疑比丘善心受戒至惡心時失比丘戒佛言

戒有七種從於身口有無作色以是無作色
因緣故其心雖在惡無記中不名失戒猶名
持戒以何因緣名無作色非異色因不作異
色因果釋曰此有兩重答問之意前答不失
戒因因無表故後非異色因下自釋無表得

名色所由言非異色因者明以色爲因不是
異色之外別爲因也言不作異色因果者特
明作色果也不作異色之外別物之果既以
色爲因不異色作果故無表戒得成色也言
如五部毘尼者如前所引○鈔八背捨者一
野十

主

內有色外觀色背捨二內無色外觀色背捨
三淨背捨身作證四無色定及滅受想定爲
八背捨止觀云斷惑究竟名解脫若或未盡
定未備但名背捨背者厭下地及自地淨潔
五欲捨者捨是着心故或果中說因語八解

脫爲八背捨義亦可通弘決十四云若言背捨解脫但名異者乃成大妨違婆沙等故言九次第定者四色四無色及滅盡定爲九行者自試其心不令異念得入於此功德心柔軟善斷法愛故能心心相次如智論第二十

四卷聲聞法中說言發六神通者百法鈔云六通以慧爲體故依定發也且初明天眼天耳通者先要得四禪定修加行時於近色聲而作遠想於遠色聲而作近想障內者作障外解障外者作障內解問若爾應成顛倒答

以不妄分別實計爲内外等故非顛倒由此加行極淨修持至成滿位勢力所引法爾便能依根發通見間障內障外遠近色聲二辨它心通者於加行時先觀它人善惡二色比擬它心善惡二事由此加行極淨修持勢力所引至根本位若觀它心時變起依心相分即於如是相分之中便能達於它人之心善惡等事三明宿住通者於加行時先要假想於過去一生兩生或大或小住胎出胎善惡等事由此加行極淨修持勢力所引至根本

位正發通時法爾能現過去等相於相分中而能觀達過去一一生事四明神境通者於加行時想於自身如同飛花輕舉自在由此加行修持圓滿勢力所引至根本定位任運復能發生神通飛騰虛空若鐵若金不能障

聖

大

礙五辨漏盡通者隨三乘性於加行位作四諦十二因緣三性三無性等觀伏除二障由此加行修持圓滿勢力所引後至根本定位任運能生漏盡通法問如是六通於彼四禪八定之中是何等定能引發耶答有大小乘

所說各別若小乘說前五通依四禪根本定起以勢力廣大能引發神通未至中間慧多而定少四無色定多而慧少

又云發通止觀均地微界

散地無勞而辨四禪定近分觀多止少四無色地止多觀少是故唯依四禪根本又云欲界無色皆無眼耳通是故唯四根本也若漏

盡通四禪根本未至中間下三無色皆能引起皆許有無漏若大乘說前之五通與小乘同若漏盡通上二界八地總有以有頂地遊觀無漏不無等

問初禪有中間禪及未至近分何別答中間禪即大梵王

天在有身有地無尋無伺地下兩中間故中間禪言未至定者即加行定未至根本

故近分者亦加行定於根本分有通悅義故
即初禪未至近分體一義殊而有二名告二
禪已上但名近分不

○鈔身邊二見者唯識

云薩迦耶見謂於五取蘊執我我所一切見
趣所依爲業等彼疏云具云薩迦耶達利瑟
致經部云薩是僞義迦耶是身達利瑟致是

野十

十七

見身是聚義即聚集假應言緣聚身起見名
爲身見薩婆多云薩是有義迦耶等如前雖
是聚身而是實有身者即是自體異名應云
自體見大乘云僧吃爛提底薩便成移轉義
以心上所變之法故言移轉身見依五蘊起

此我見諸見得生執斷常名邊見言六十二
見者對法第一云如計色是我我是色色屬
我我在色中一蘊有四五蘊有二十句三世
各有二十爲六十加身即我見我異身見爲
六十二又計常無常等爲六十二見言十一

智者離世間品疏云一法智二比智三它心
智四世智五苦智六集智七滅智八道智九
盡智十無生智十一如實智止觀云世智已
心智照俗八智觀真如實智觀中道門法花
釋籤第四云大品說十智小乘第十一智屬

大乘答此是局義次云大小通立如實智今依通義故亦緣小乘中道此是天台意也言三無漏根者回向疏鈔引俱舍說一未知當知根謂在見道八忍七智如苦法忍與疑得俱未知若諦名未知後至智位必當知故名

曾知但為斷除迷事煩惱貪瞋癡慢四隨眠故於四諦境復數起智知名為已知於具知道有增上用引無學故名根三具知根在無學道謂盡智無生智作知已已知之解故名為知有此知者名為具知於涅槃有增上用

未知當知根如苦忍既爾餘七忍亦然中間七智雖能證知良由知諦未遍中間起故亦名未知當知於已知根道有增上用見道引修道故名根七已知根從道類智已去乃至金剛喻定皆修道上下八諦總已知竟無未

由具知根心得解脫方證涅槃故名為根○鈔法句經者後經六度皆融至空寂今唯證三學但引二偈以證戒定耳如施云說諸布施福於中三事空究竟不可得施福如野馬忍度云若見嗔恚者以忍為饑鞅知嗔等陽

野

大

焰忍亦無所忍進云若契精進心是妄非精進若能心不妄精進無有涯般若云森羅及萬像一法之所印云何一法中而生種種見一亦不為一為欲破諸數淺智之所聞見一以為一其戒定二偈如鈔言無智無得即般

若心經意也或暗用法句經一亦不為一即是無智亦無得也言般若無知者即肇公般若無知論意也既般若無知何有慧相可得言意融三者融其執定相三故○鈔一一法門下此以三學既皆不離法性又以一性統

之三學中別明一一法及自餘一一法豈定別耶亦不令其無礙以是別教歷別修故不同圓教明無礙故不同通教融至空故不同藏教三學迢然故論云下起信論也五欲謂色聲香味觸此皆能令有情起貪欲過故名

野

充

五欲以知等三句皆是解隨順等三句皆是行也論中亦說六度今唯證三學但引三度也言等者等取諸經似此者故鈔三僧祇劫者從初發四弘願一未度者今度緣苦諦二未斷者今斷緣集諦三未安者今安學法也

緣道諦四未得果者令得果緣滅諦且第一
僧祇如釋迦菩薩從古釋迦佛所婆沙云過居之域侍者弟子出五濁時皆如今佛時彼世尊化道有情恒涉道路為風所薄肩背有疾令阿難陀往陶師家求胡麻油及以爐水以為吾塗洗時彼侍者至陶師家廣讚佛德

求索油水時彼陶師名曰廣熾辦胡麻油及以香水為佛灌洗風疾除愈佛為說法彼聞歡喜即發願言願我未來當得作佛名號眷屬時處弟子如今世尊等無有異彼陶師者迦即今釋迦是也至罽那尸棄此云寶髻佛值七萬五千佛初劫滿離女身及惡道識宿命准望二乘當五停心總別念處以慈悲心行六度名

外凡第二僧祇自尸棄佛至燃燈佛值七萬六千佛名劫滿得受記當來作佛當暖位解修六度名內凡第三僧祇自然燈至毘婆尸此云勝觀佛值七萬七千佛名劫滿當頂位修六度故俱舍云八十中大劫是劫一增減為一中三無數劫火災壞世界

時為八十中劫今此中劫有三無數故云三僧祇也此後更有百大劫脩佛相好然釋迦菩薩由精進故超過九劫唯九十一劫脩相好成一名釋迦二名慈氏號曰底沙有二弟子熟慈氏先熟復觀二人所化有情釋迦所化後釋迦尋見師龕中入火界定忘下足經

于七日說一偈讚云天上天下無如佛十方
世界亦無比世間所有我盡見一切無有如
佛者由此精進超過慈氏九劫但九十一劫成佛也言別脩六度各有
滿時者如尸毘王代鵠檀滿依賢愚經昆首
化為鷲逐鵠至尸毘王前入腋下鷲索鵠三
割肉代之與鷲轉秤轉重王割肉無吝天復
本形驗知將來普明王捨國尸滿經說若智
必當作佛故

論乃是須陀摩王即華梵之異漏此王持戒常依寶語欲出遊觀始至城門有一淨行來乞王曰待我還園時有馬王名曰鹿足與山神誓取千王唯少一王飛來捉王將去時王持戒涕泣鹿足語曰汝大利人何故泣耶王曰我不能死以不曾妾語適來許一淨行施今失信矣鹿足放令還七日羣提仙人為復來鹿足語曰汝大利人何故泣耶王曰坐信即放千王還七日羣提仙人為

來卵必破壞乃再入定勑嬪大臣分閻浮提
鳥子飛去方起遊行也勑嬪大臣分閻浮提
七分息諍智滿具云幼嫗陀婆羅門大臣分
色聚落村民盡即菩薩大心思惟分別也此
是事禪智但能伏惑故此六度滿望聲聞位
是下忍位也言皆是有漏者以三祇六度滿

望聲聞位方當下忍位次入補處生兜率天
托胎出家降魔安坐不動爲中忍次一剎那
入上忍皆是有漏故云未入見道言以無常
狼者此約喻顯法毘柰耶雜藏事云昔有國
王號曰重興曾於一時欲試諸臣誰有智慧

野十

主一

便以諸羊人與一口勑令看養肥盛其肉不得
有脂諸臣無智皆養令肥時有一臣名爲
大樂頗有智能與羊飲食食令其飽然後刻
木以爲豹狼時來恐怖羊雖得食而恐怖故
乃無脂也法中菩薩亦爾以無常苦空狼令

結使脂消諸功德肉肥能伏惑障皆有名漏
言直至菩提樹下等者以降魔安坐已在樹
下次進一剎那入世第一位即發真無漏見
道成佛也準俱舍婆沙意云謂下八地修惑
初修禪時先已斷竟唯非想一地九品見思

全在故入無漏見諦時與見惑一時頓斷也
十六心斷見惑十八心斷非想一地思惑故
合三十四心一坐之間故名一時若智論云
下地諸惑因時未斷至樹下時乃以九地九
品思惑通名一九下八地俱生惑雖六行事

觀伏猶未名斷故三藏菩薩位同凡夫以九無間九解脫舍爲十八見道中八忍八智合十六心成三十四心今準俱舍等說也兼智論意故有等言以前言皆是有漏密顯智論意也若因中已斷下八地思惑豈皆有漏耶

故雙存二意言涅槃中下第二十一卷詔二乘執此爲實成故云二乘曲見也○疏故藏通別圓之義下此由四教立義名定如三藏正目初教餘三教皆有戒定慧故如無生理正是通教別圓亦顯此故如道種智是別教

餘教皆有此智故如一切種智是圓教余三亦說故但名同隨教詮顯義別故四教名義不得互顯也大意如此○鈔雖有同稟等者雖同稟無常乍似通教愚法二乘聞無常一生得發真智斷結乃至便入涅槃可是稟教

五
五

三

見無常理藏教菩薩三祇猶不發智斷結豈見無常之理故雖皆無常通義不成言雖爲菩薩別說下謂雖明菩薩四弘六度有似別教而不誼如來藏恒沙功德之別理不斷所知障之別惑由依生滅四諦之理起於智解

斷煩惱障何得名別教言雖說一切種智下
謂雖說此智而不得因果無礙故又但照真
俗各別不能無礙契於中道故何得名圓故
止觀云三藏但明二諦菩薩初心中緣真伏
見一切住地欲愛住地色愛住地有愛
四住住地初三界分別後三如次三界俱

生令煩惱脂消功德身肥百劫種相好獲五
通得法眼照俗後三十四心斷見思但有中
道諦名無別體鈔雖說三藏下有定戒慧
三名異故而融至空寂無三迢然故言已得
故者謂前三藏教已立其名故或依漸儀從

藏入通故云已得即從新得之勝彰名雖說
道種智而只照界內有漏俗諦假有不照如
來藏恒沙出世功德故雖說一切種智而只
照俗有真空之二諦不照契中道不思議之
二諦故亦不因中即具一切種智○鈔雖說
叶十
三

二藏下亦有三藏名故而恒沙佛法皆依法
性無量戒定慧順法性修異於小乘不契法
性名生滅三雖說無生空理有似通教而是
不可得空問通教空理豈許可得答彼不可
得只是但空今非但空二乘同見唯菩薩可證

空性真勝義故慕玄記云依四教所斷之惑而說四空一藏教由析法故名爲斷空二通教由體法故名但空三別教由三觀迢然故是不可得空四圓教由三觀一心故名不思議空雖說中道一切種智亦不許因果圓融故○鈔雖說三藏下言皆約真如等者雖有三藏之名皆約真如等性本具故渾無障礙或稱性修學亦三一無礙故雖有真空之理似於通教而即佛性真空等故雖說歷別階位法門而一位具足一切位故○鈔迷其行

布謂爲別教但取圓融以爲圓教等者下疏問云何爲地前顯圓融德地上行布彰劣耶答顯一乘故云何顯耶三乘之位地前行布地上圓融今一乘位地前地上俱有行布圓融若俱雙辨則前後不異若地前行布地上圓融則全同三乘前淺後深又似行布圓融各別教行不知法性教行非即非離故於地前但顯圓融已過三乘地上多明行布以顯起勝勝相云何謂賢位始終圓融自在登地已去則甚深言所不至若不寄位何以顯深

不包三乘何以顯廣故虛空鳥跡跡合空大
海十德德德皆海地地之中具攝諸地功德
文文之內皆云若以殊勝願力復過於此不
可數知剏俟五請方說世親以六相圓融
意在斯矣又云地前乃我地之前安得云深

異於地上此正破天台也以彼不得華嚴一
乘之意將圓融行布離成二義故失圓宗()
鈔若與之者下與者縱也即將固奪之必固
與之則別教之名行布之名不同故云名異
皆是歷別之義故云義同故無大過者此雖

與之亦顯非不有小過也此有二過所立圓
教不該行布但得圓融一過也華嚴本宗唯
一圓教而云兼別二過也○疏唐初海東元
曉者姓薛氏東海相州人也少髮之年慧然
入法隨師稟業遊處不常勇擊義園雄橫文
陣屹屹然桓桓然進無前却彼土謂之萬人
之敵嘗與湘法師入唐厥緣既差息心西往
義湘乃海東華嚴初祖同曉入唐夜宿古塚
因達唯心故曉迴國湘入唐往終南同賢首
圓師歸海東大弘耳無何言語狂逸舉措乖踈

同居士人酒肆倡家若志公持金刀鐵錫或

製疏以講雜華或撫琴以樂祠宇或間閭寓宿或山水坐禪任意隨緣都無定驗時國王置百座講仁王徧搜碩德本州具以名望舉進之諸德惡其爲人諧王不納未幾時王夫人腦嬰腫醫工絕驗祈禱無靈俄有巫覡附曰

苟遣人它國求藥方瘥王發使泛海入唐求醫溟漲中忽見一翁由波躍出登舟邀使入海見龍王名鈴海謂使者曰汝國夫人是帝青第三女也我宮中先有金剛三昧經今託仗夫人之病爲增上緣欲附此經彼國流布

正於是特三十束紙重沓散經付授使者復曰此經處渡海恐罹魔事今持刀裂使者臘腸而內于中用臘紙膳之以藥傳之其臘如故龍王言可令大安聖者銓次綴縫請元曉法師造疏解釋夫人疾愈無疑龍王送出海面

正遇入唐舟廻遂登舟歸國王聞歡喜乃召大安聖者粘次焉大安不測之人也形服特異每在市鄺擊銅鉢唱言大安大安之聲故號之也安曰速將付元曉講得餘人則否時晚在湘州謂使者曰此經以始本二覺爲宗

爲我備角乘將按几在兩角之間置其筆硯始終於牛車上造疏成五卷又造畧疏三卷於黃龍寺敷演王臣道俗雲擁法堂乃宣吐有儀解紛可則復唱言曰昔日採百糧時雖不預會今朝橫一棟處唯我獨能時諸名德

經詮生空理者也○疏大同天台等者前二依天台藏通而小異但合別圓者以天台以華嚴兼別今曉公以華嚴總名爲滿即總是圓滿義也其梵網名一乘分是曉公新加故云大同也○疏非謂此四下以法海無邊合

野十

主

俯顏慚色伏膺懺悔焉初曉示跡難知化人不定或擲盤而救衆或噀水以撲焚或數處現形或六方告滅亦益渡誌公之倫也探玄記云元曉法師造此經疏立四教等言四諦緣起經等者即四諦經也各一卷等餘小乘

見聞者猶一滴耳善哉大師斯言無過四賢首弟子等者涅槃疏云學在我後名弟德從師生名子傳云釋慧苑京兆人也少而秀異蔚有茂材厭彼塵寰投于淨域禮華嚴宗法藏爲師陶神練性未幾深達法義號上首門

人也有勤無墮内外該通華嚴一宗尤成精博等○疏四者初心菩薩者彼論具云四者初發菩提心菩薩即三種空亂意菩薩一有法斷滅後時得涅槃二以空爲有三離色等法別更有空皆失空如來藏修行等疏二謂小乘等者彼以不變爲一分隨緣不變爲具分生空爲半字二空爲滿字是則第二教於一分不變中唯得生空半字第三具明二空爲不變滿字未許隨緣復名一分則二三兩教一分之言雖同而不變一分中半滿寬狹

有異第四具明隨緣不變并二空理故云具分及滿也言廣如彼說者即刊定記也○鈔彼疏又明等者由所詮義別能詮成異言次一法性分顯者生空不變一分顯故三即分隱者二空隨緣不顯故四即全顯不變隨緣

野十

毛

故問法性是一云何分四教耶法性雖一下答也言若約乘下以乘收束言多同光宅者二三兩教皆三乘故四即一乘此約根與所詮法性而立彼約時及乘立故小異也○鈔九流七經者九流如前七經者古以易書詩

禮樂春秋爲六經至秦焚書禮樂經亡今以易書詩禮春秋爲五然禮有周禮儀禮禮記曰三禮春秋有左氏公羊穀梁三傳通爲九經今云七經者應開三禮爲三合三傳爲一故有七經也或可於五經之上加孝經論語也○鈔或十宗等者法苑由依瑜伽顯揚叙外道有十六宗今脫其六字或可十一宗以下合九十五種外道通爲十一宗也一數論宗二十五諦等二勝論宗六句法等三塗灰外道并諸婆羅門共計自在天是萬物之同

四圍陀論師計從那羅延天臍生大蓮花花上有梵天祖翁等五安茶論師計世間最初唯有大水時有大安茶出生形如鷄卵金色後爲二段上爲天下爲地等六時散外道計一切物皆從時生七方論師計方生人人生天地滅後還入於方等八路迦耶論師計色心等法皆極微所作九因力論師謂虛空爲萬物因等十宿作論師計苦樂報皆隨往日本業等十一無因論師計一切萬物無因無緣自然而生等具如下宗趣中明今舉其大

數云十耳○鈔富單那此云滿迦葉云飲光
末迦梨云常行不暫住故俱奢梨云牛舍母
生處也刪闍夜云圓勝自稱我最圓勝毘羅
胝云空城母生處也阿耆多云無勝弊衣者
着鹿弊衣故以名也迦羅鳩駛云默領隨人

野十

天

問也迦旃延云云剪髮尼犍陀云無繫以裸
形故是出家外道總名若提云親友○六師
之計具如涅槃說彼云富樓那即富單那也說無
無黑業無黑業報無白業無白業報無黑白
業無黑白業報無有上業及以下業即今無君臣父子

子等二末伽梨說一切衆生身有七分何等
爲七地水火風苦樂壽命如是七法非化非
作不可毀害如伊師迦草安住不動如須彌
山不捨不作猶如乳酪各不諍訟若苦若樂
若善若不善殺之利刀無所傷害何以故七

分空中無妨礙故命亦無害何以故無有害
者及死者故無作無所記無聽無有念者及
以教者常說是法今云不由行業性自有之
即七分定故不可改易也
三刪闍夜說一切衆生若爲主者自在隨意
造作善惡悉無有罪如火燒物無淨不淨下取

引意
如地普載如水俱洗如風能吹乃至如秋
颺樹春則還生雖則颺所實無罪一切衆生
亦復如是此間命終遇生此間以還生故當有何罪一
切衆生苦樂果報悉皆不由現在業因果
在過去現在受果現在無因未來無果以現

野十

充

果故衆生持戒勤修精進遮現果惡以持戒
故則爲無漏盡有漏業以盡有漏業故衆苦
得盡衆苦盡故便得解脫似與下第六師義
與今第三同未
審以何處爲定四阿耆多說若自作若教它
作若自斫若教他斫若自炙若教它炙自害

它害自偷它偷自嬌它嬌自妄它妄自飲酒
它飲酒自殺一村一國以刀輪殺一切衆生
若洹河南布施河北殺生悉無罪福無施戒
等此計無罪福應自
苦行即得解脫也五迦羅鳩馱說若人殺
害一切衆生心無慚愧終不墜惡猶如虛空

不受塵水有慚愧者即入地獄如大水潤濕
於地一切衆生悉是自在天之所作天喜衆
生安樂天瞋衆生苦惱一切衆生若罪若福
乃是自在天之所爲作云何當言人有罪福
譬如工匠作機關木人行住坐臥唯不能言

衆生亦爾自在天者譬如工匠其木人者譬如
衆生身如是造作誰當有非由自在天作故
正同也六尼捷阨說無善無施無父無母今
世後世無阿羅漢無修道一切衆生經八萬
劫於生死輪自然解脫有罪無罪悉亦如是

如四大河所謂串頭洹河博義私阨悉入大
海無有差別一切衆生亦復如是得解脫時
悉無差別此却同今缺第三前第
三却同今第六缺也上依第六
地鉢引也○鉢破後三教者但破第三教也
約總相說故云後三或可即後之第三教也

言乃有二義者一若約下以分破滿正破第
三教故意云涅槃滿字具二種滿一生空法
空義二不變隨緣義今言唯有不變一分不
應言滿也二有救言下遮救言空者所謂生
死下意顯涅槃非唯以二空爲滿兼顯妙有

野十

三

隨緣爲滿也則知涅槃半滿有二用若對小
乘以生法空爲半滿若對權教菩薩則以空
有具不具爲半滿是則即判定立半滿唯約
二空謂第二教半唯約生空第三第四教滿
唯約二空故成違也

永樂北藏

華嚴懸談會玄記

第一八三冊

華嚴懸談會玄記卷第二十